

---

## Skeljungur:

### Árshlutauppgjör – fyrsti ársfjórðungur 2020

---

## HAGNAÐUR 159 MILLJÓNIR KRÓNA Á FYRSTA ÁRSFJÓRÐUNGI 2020

### Viðunandi niðurstaða í ljósi COVID-19

#### Helstu lykiltölur og niðurstöður fyrsta ársfjórðungs 2020 (1F 2020)

- Framlegð nam 2.329 m.kr. og hækkaði um 10,5% frá fyrsta ársfjórðungi 2019 (1F 2019).
- EBITDA nam 614 m.kr., sem er 115 m.kr. undir upphaflegri áætlun 1F 2020.
- EBITDA framlegð var 26,3% miðað við 42,3% á 1F 2019.
- Hagnaður eftir skatta nam 159 m.kr. samanborið við 411 m.kr. á 1F 2019.
- Heildarhagnaður nam 415 m.kr. samanborið við 471 m.kr. á 1 F 2019.
- Arðsemi eigin fjár, á ársgrundvelli, var 6,7% samanborið við 19,0% á 1F 2019.
- Hagnaður á hlut var 0,08 í samanburði við 0,20 á 1F 2019.
- Keypt voru eigin bréf fyrir 53 m.kr. á 1F 2020 og arðgreiðsla að fjárhæð 600 m.kr. samþykkt til greiðslu 2. apríl 2020.
- Handbært fé frá rekstri nam 586 m.kr. samanborið við 1.000 m.kr. á 1F 2019.
- Eigið fé í lok tímabilsins nam 9.609 m.kr. og eiginfjárhlutfall var 36,1%.
- Basko ehf. er hluti af samstæðu á 1F 2020 og var jákvæður viðsnúningur í rekstri félagsins á milli ársfjórðunga.

#### Horfur fyrir árið 2020

Í ljósi óvissunnar sem nú ríkir áætlað félagið að EBITDA ársins 2020 verði á bilinu 3.000-3.400 m.kr. í stað fyrri spár sem var á bilinu 3.400-3.700 m.kr. Fjárfestingaáætlun er óbreytt á bilinu 700-800 m.kr. Bilið í afkomuspánni er því aukið um 100 m.kr. í ljósi óvissu vegna COVID-19.

Í afkomuspá félagsins, það sem eftir er ársins, er gert ráð fyrir stöðugu gengi gjaldmiðla og stöðugu olíuverði en ekki er gert ráð fyrir tekjum af erlendum ferðamönnum. Bent er á að við umreikning reikningsskila er notast við meðalgengi innan ársins. Áætlanir félagsins miða við meðalgengi DKK/ISK 21,0 á síðustu þremur ársfjórðungum ársins.

## Tölulegur samanburður

Í milljónum króna

|                          | 2020 1F | 2019 1F | Δ      |
|--------------------------|---------|---------|--------|
| Framlegð                 | 2.329   | 2.107   | 10,5%  |
| EBITDA                   | 614     | 892     | -31,2% |
| EBIT                     | 302     | 631     | -52,2% |
| Hagnaður tímabils        | 159     | 411     | -61,2% |
| Heildarhagnaður tímabils | 415     | 471     | -11,8% |

Hlutföll

|                                      |        |        |
|--------------------------------------|--------|--------|
| EBITDA hlutfall                      | 26,3%  | 42,3%  |
| EBIT hlutfall                        | 12,9%  | 29,9%  |
| Launakostn. / framlegð               | -42,9% | -28,8% |
| Sölu- og dreifingarkostn. / framlegð | -25,6% | -23,4% |
| Rekstrarkostnaður / framlegð         | -73,7% | -57,7% |
| Arðsemi eiginfjár (ársgrundvelli)    | 6,7%   | 19,0%  |

## Árni Pétur Jónsson, forstjóri Skeljungs:

„Árið 2020 fór vel af stað hjá félaginu og var afkoma fyrstu tvo mánuði ársins umfram væntingar okkar. Áhrifa af COVID-19 heimsfaraldrinum fór að gæta um miðjan marsmánuð, í kjölfar samkomubanns, með minnkandi umferð, fækkun erlendra ferðamanna og minni umsvifum í hagkerfum Íslands og Færeyja. Ofan á COVID-19 áhrifin bættist svo við gríðarleg lækkun á heimsmarkaðsverði á olíu sem hafði neikvæð áhrif á afkomu ársfjórðungsins.

Félög samstæðunnar gegna mikilvægu hlutverki í því að tryggja samgöngur á Íslandi og í Færeyjum og að aðföng berist til landanna. Aðgerðir okkar hafa beinst að því að tryggja öryggi starfsmanna okkar og viðskiptavina þannig að sem minnst truflun verði á þjónustu við viðskiptavinina félagsins.

Í ljósi þess sem hefur gengið á undanfarnar vikur erum við sáttt við afkomu fyrsta ársfjórðungs 2020.

Samhliða gerð árshlutareiknings þessa hefur farið fram mat á mögulegum áhrifum COVID-19 á rekstur og fjárhagsstöðu samstæðunnar. Hluti starfsemi okkar á Íslandi á undir högg að sækja vegna fækkunar ferðamanna á komandi mánuðum, minni flugsamgangna og almennrar óvissu í efnahagslífinu. Rekstur okkar í Færeyjum er ekki háður ferðamönnum nema að mjög takmörkuðu leyti, auk þess sem danska krónan hefur styrkst gagnvart íslensku krónunni sem hefur jákvæð áhrif á rekstrarreikning samstæðunnar. Til að mæta minnkandi eftirspurn hefur félagið gripið til ýmissa hagræðingaraðgerða í rekstri.

Mikil óvissa er um áhrif COVID-19 þegar horft er til næstu mánaða en stjórn og stjórnendur fylgjast náið með ástandinu og þróun mála.

Fjárhagsstaða samstæðunnar er sterk sem og rekstrarlegar stoðir hennar. Rekstur undanfarna ársfjórðunga gerði okkur kleift að lækka vaxtaberandi skuldir félagsins og auk þess höfum við gott aðgengi að lánalínum. Við teljum okkur því vera mjög vel í stakk búin að takast á við krefjandi aðstæður.

Þrátt fyrir COVID-19 er félagið að vinna að mörgum spennandi verkefnum í tengslum við orkuskiptin, þróun fasteigna og lóða ásamt því að vinna að samfélagslega mikilvægum málum. Við munum gera nánar grein fyrir þeim verkefnum þegar lengra líður inn í árið.

## Kynningarfundur

Opinn kynningarfundur vegna árshlutauppgjörs félagsins verður haldinn þann 6. maí í höfuðstöðvum Skeljungs, Borgartúni 26, 8. hæð, 105 Reykjavík. Fundurinn hefst kl. 08:30 en boðið verður upp á léttar veitingar frá kl. 08:15. Á fundinum munu Árni Pétur Jónsson, forstjóri, og Ólafur Þór Jóhannesson, framkvæmdastjóri fjármálasviðs, kynna uppgjórið og helstu þætti úr rekstrinum, auk þess sem spurningum fundargesta verður svarað.

Kynningin er meðfylgjandi, auk þess sem kynningarefni frá fundinum verður gert aðgengilegt á vefsíðu Skeljungs, <https://www.skeljungur.is/fyrir-fjarfesta>.

## Árshlutareikningur fyrsta ársfjórðungs 2020

Helstu atriði í tilkynningu þessari eru unnin upp úr árshlutareikningi félagsins, sem samþykktur var af stjórn og forstjóra á stjórnarfundum þann 5. maí 2020.

Árshlutareikningurinn hefur að geyma samstæðureikning félagsins, móðurfélagsreikning félagsins og dótturfélaga þess. Reikningarnir eru gerðir í samræmi við alþjóðlega reikningsskilastaðla (IFRS). Árshlutareikningurinn hefur hvorki verið endurskoðaður né kannaður af endurskoðendum félagsins.

Til nánari upplýsinga er vísað til reikningsins sem er meðfylgjandi tilkynningu þessari.

## Fjárhagsdagatal 2020

**Uppgjör 2. ársfjórðungs 2020:** 12. ágúst 2020

**Uppgjör 3. ársfjórðungs 2020:** 28. október 2020

**Uppgjör 4. ársfjórðungs 2020 og ársuppgjör 2020:** 4. febrúar 2021

**Aðalfundur 2021:** 4. mars 2021

Dagsetningarnar eru birtar með fyrirvara um breytingar.

\* \* \*

Nánari upplýsingar veitir Árni Pétur Jónsson, forstjóri, [fjarfestar@skeljungur.is](mailto:fjarfestar@skeljungur.is).

Skeljungur er orkufyrirtæki sem selur vörur og þjónustu á Íslandi, í Færeyjum og á Norður-Atlantshafinu. Meginstarfsemi félagsins er innflutningur, birgðahald, sala og dreifing á eldsneyti og eldsneytistengdum vörum og smásala. Félagið starfrækir 76 eldsneytisstöðvar og 6 birgðastöðvar á Íslandi og í Færeyjum. Auk þess selur félagið áburð og efnavörur á Íslandi og rekur verslanir og þjónustar og selur olíu til húshitunar í Færeyjum. Viðskiptavinir Skeljungs spanna frá einstaklingum til fyrirtækja, í sjávarútvegi, landbúnaði, flutningum, flugi og til verktaka. Starfsemin er rekin undir merkjunum Skeljungur, Orkan, Kvikk og Magn. Meginmarkmið Skeljungs er að þjóna orkuþörf einstaklinga og fyrirtækja á hagkvæman og öruggan máta í sátt við umhverfi sitt.

[www.skeljungur.is](http://www.skeljungur.is)

<https://www.linkedin.com/company/skeljungur-hf/>